

Qauyihagtut mihingnautinik mikiyunit, Kanatami Ukiuqtaqtumi kuuganit qurluqtut immariktumut Kanataup Qikiqtautainit

Matthew B. Alkire, Ilihaqhutik Qauyiharvik, Seattle, WA USA
Andrew Jacobson, Northwestern Ilihaqpaallivik, Evanston, IL USA

Qauyiharviit Nunallaat

7-vauyut nunallaat Nunavunmi Nunattiarmilu:

Nunallaaq	Aviktuqhimayumit	Aviktuqhimayuq	Tunnunganit Takinia	Uataanit Takinia
Qurluqtuq Kuugaa	Nunavut	Qitirmiut	67.817	-115.080
Kuunayuk	Nunavut	Qitirmiut	68.050	-103.993
Hanningayuq	Nunavut	Qitirmiut	66.908	-95.294
Kuujjua Kuugaq Cunningham	Nunattiaq	Inuvialuit	71.267	-116.819
Kuugaq	Nunavut	Qikiqtaaluk	74.050	-93.480
Kangiqtugaapik	Nunavut	Qikiqtaaluk	70.474	-68.586
Thomsen Kuugaq	Nunattiaq	Inuvialuit	73.995	-119.724

Havaanut Naunaitkutat

Malruuyut inirumayaqqut hapkua havaakkut: (1) qauyiharlugit taapkua mikiyut Kanatami Ukiuqtaqtumi kuugait ilaliutivagiaghait immariktumut qurluqpaktuq talvunga Davis Ikirahaanut imaalu (2) qauyiharlugit aallatqiikkumik amirnaqtut taapkuninnga angitqiyait kuukkanit North Americami taapkuatut Mackenzie-lu Yukon-lu kuugait. Hapkuninnga iniqhiyaami ihivriuqtauyughanik katitirinahuaqtugut imarnik 7-nit kuukkanit avatiillu Nunavunmi Nunattiamilu qauyiharlugit pingahunik ukiunik (June 2014, August 2015, August 2016-milu). Hapkua iniit aallatqiingnik nunalgit aajjikkutavyait ukiuqtaqtumiutut imaalu aallatqiigiaghait imautait kuukkanit ihivriuqhiyumayut. Tamangnik iniit pulaaqtaunahuat ihivriuqtaghaniklu pivigilugit kuukkat June atuqtillugu (immakkumi upinngaami) August-miluuniit (hikuiqqat taryuq) kitumi ukiumi qauyihaigumik (2014, 2015, 2016-luuniit). Taapkua ihivriuqtaghat algakkut katitauvangniat pakpautikkulluuniit tigumiaqtauvaktut qauyihagtut aullaqhutik puviqtaqtukkut qayakkut ingilrutilingnik. Qauyihagtut aullaqpagahuat nunanut tingmiakkut (malrulingmik tingmiakkut) aulapkaqtait Kenn Borek Air-kut. Hapkua havaaghanut ilagiplugu, nunallaarmiunik havaktiqarahuat talvani Qurluqtumi Kangiqtugaapingmilu katitiriyughat ihivriuqtaghat imait kuukkanit 1 week naattaraangat upinngaami auyamilu. Hapkua havaktit ayuiqhaqtitaunahuat qauyihagtut tuniyaulutiklu ingilrutighanik ilikkut katitiriyughat ihivriuqtaghanik. Ikkuagtunik munaqhiyughaniklu anngutighanik havaktittinahuallu ikayuqtighait qauyihaiyut havaktillugit nunainarmi. Katimaqatigivangniaqtavut nunallaani hivuliqtiit unipkaaqlugit parnaiyaqlugillu takupkaqtitaghat qauyihaiyut inungnut. Takupkaqtittiplutik naunaiqhitiavangniat huug qauyihagpaktut qanuqlu ilitturihimayainik. Taapkua havaktitauhimayut katitiriplutik ilauqyauniaqtut unipkaaquyaulutik hapkua mighaagut. Imaatut, nunallaarmiut inmikkut munaqhilaagtut iniqpalliyunik ikayuqtuiputik qauyihagtunik. Havaaghanut qaritauyakkuurutighat aullaqtitaunahuaq imaalu inuit takuquyauvangniat hapkuninnga

qaritauyanit naunaittiarumagumik havaanik, ilitturiyauhimayunik naunaiqhitivighaq,
ayuiqhalutiklu havauhinik ingilrutiniklu qauyihaqtit atuqpagait qauyihaigaangamik.
Naunaiqtauyut qauyihaqtainit makpiraanungaqtauniaqtut qaffinik titiraqhimayunut
ihivriuqtainit naunaitkutainik havaqatigiingnit ihivriuqtauhimayut, qauyihaqtit
titiraqhimayainit.